

MAI

EL



H. XIII. 9

Liber
Novo-Vacim-
C/37/II

Henrici Nicolai.

1. Gymnasium Logicum repetitum
2. Exercitatio de Cognitione humana universa.
3. Tr. de Esse alicubi seu Ubicite.
4. Pro methodo Trinitatis alijsq; materijs Apologia.
5. Quadrigatus expensy seu Consideratio quadriga questionum
de Syncretismo nuncupatus Wittebergae edita.
6. Exercitatio de Prudentia Theologica.
7. Exerc. de Obedientia tam Civili quam Spirituali.

D. O. M. A.
Gymnasii Logici repetiti

DIATRIBE XV.

DE

SYLLOGI-
SMO ELENCHTICO SIVE
FALLACE.

Disputationis loco
Ad sententiarum collationem
in Gymnasio Gedanensi proposita

PRÆSIDE

HENRICO NICOLAI,

Philos. Professore

Publico.

Respondentis partes obtinente

JOHANNE NEUUNACHBARO,

Elbingense Borusso.

Addiē 2. Maji. S. N.

In Auditorio Philosophico.

Horis ab 8. matutinis.

~~~~~  
Dantisci, Typis Georgi Rhetl,

ANNO clō. loc. XL.



Philo. Proteflora

Publico.

ОБЪЯВЛЕНИЕ



## Gymnasii Logici repetiti

## DIATRIBE XV.

## De Syllogismo Elenchtico &amp; Fallace.

## I.

**N**on summis tantum Numinibus sacra olim faciebat superstitiosa gentica vanitatis temeritas, ut Jovi, Junoni, Diana: Sed & minoribus. Vnde divisio manavit Veterum in Deos majorum gentium & minorum, quam memorant Comes l. 7. myth. c. 16. Lips. l. 2. ant. lect. c. 18. Taubma. in Pl. Epid. a. 5. f. 1. Imò unum DEUM quandoq; aliquis seligebat, Cui sacra ex destinato offerret. Quomodo solam Junanem adorasse Artaxerxem refert Plutarchus in Artax. & Neronem Soli Dea Syria sacra fecisse narrat Suet. in Ner. c. 56. Ita non primario tantum Syllogismo, ut proposito scopoq; Logico convenientiori, Logicus operam aliquam addidit: sed & secundario: non utendi quidem, sed resolvendi gratiâ. Atq; est inter Sophistas, qui mero Syllogismo Elenchtico & fallace non satis versatum imbecillioris Logici judicium subruere de industriâ annitur. Ejus ergò natura quâ noscenda, ostendenda, vitanda, resolvenda, confutanda, specialius inter ultima opera Logica est pertractandum. Quod hac diatribe perficiet.

2. Syll. Logicus materialis s. objectivus vel verus est, qui vel necessarius, vel contingens, de quibus d. 13. 14. actum: vel falsus & apparens. Is vulgò dicitur Elenchticus. Ejus cognitio vel præcognitionis est, vel cognitionis. Illa quadruplex: An specialiter in Logicis tradendus? Quo loco explicandus? An adæquatum Elenchorum Soph. Arist. objectum? Quinam specialiter de eo scripserint?

3. Quâ primum: Ramei in totum negant, eum in Logicis docendum. Quòd nulla disciplina debeat proponere falsa: Et



verum sit index sui & obliqui, atq; ita cognito vero facile cognoscatur ejusdem oppositum, falsum, cum oppositorum eadem sit cognitio. Sic in Grammaticis proponi tantum constructiones veras, nihil de falsis agi. Et falsa sint infinita, quæ ad certam cognitionem reduci nequeant. Et Scheckius ex Topicâ doctrinâ fallacias satis cognosci dicat. Ramus l. 2. Sch. Log. c. 3. & 9. & l. 19. c. 1. & anim. Aristotel. p. 219. seq. & lib. 9. c. 2. comp. 15. c. Schec: Beuthusius p. 2. pæd. Log. Snellius prol. dial. Log. p. 29. 31. & collat. Logic. p. 745. 785. Sagittarius C. 1. ax. Lo: d. l. t. 6. & in Templ. ration: d. 18. q. 1. Dunamus l. 2. Log. Ram. c. 9. Buscherus l. 1. Sophis. c. 1. aliqj. Quibus accedit Gassend<sup>us</sup> l. 1. c. Aristot. ex. 6. §. 4. Beemann: l. 4. cōpar. Log. m. 3. c. 1. Et factò eū in Logicis omittit Mēd. Petron. Hornej: Arriaga, Rami: incōmuni, aliqj. Senec: l. 6. ep. 49. insectatur fallaciârū doctrinam, sed in illis, q̄ nimis tempus, q̄ serijs impandēdum, in istis absumunt. Quidam inter mistos præcipiunt quidem de Syll. fallace, sed non seorsim & ordine à cæteris separato, sed in ipsis locis Topicis, quorum singulis suas fallacias s. Elenchos subjungunt. Dusa l. 2. Log. c. 1. 3. 4. seq. Alstedius l. 24. Encycl. p. 1. c. 5. 6. seq. quamvis c. 3. aliquas fallacias conjunctim distinctèq; proponat, & l. 6. Log. har. ordine & distinctè fallaciârū materiem persequatur. Dietericus in Dial. & Vrsin<sup>us</sup> in eomm. in Dial. Rami. Alii ultimo in Syllogisticâ loco eum habent. Vt Peripaterici. Erbenè hoc. De quo distinctè dicendum: 1. Logica Syll. Elenchtici index & vindex, deprehensiva & reprehensiva, indicativa & confutativa esse debet. Index & deprehensiva, i. e. Logica, quia disciplina instrumentalis est, cognoscendo vero inserviens, V. d. l. t. 32. debet instrumenta suppeditare, quibus Syllogismus fallax & apparens à solido in materiâ distinguatur, & distinctè agnoscipossit. Nam hoc ad veritatem erucendam necessariò facit. Non enim verum perfectè agnoscēs, nisi fu-



catum ab eo distinguere norū. Ita aurifaber, si perfectē artis gnarus esse velit, debet fucatum aurum ab vero nosse distinguere. At hac distincta agnitio in Syll. Elenchi. à Logica proponitur. Vnde breviter: Om. instrumentum rectificans operationem intellectus ad cognoscendam veritatem per se est Logicum in Log. distinctē tractandum. Syll. Elechicus, prout hic docetur, ut nempe vi-  
 tetur, indicetur, & confutetur, est tale quid. Ergo. Vindex & re-  
 prehensiva: i. e. Logica, ut disciplina instrumentalis debet in-  
 strumenta distincta suppeditare, quibus apertissimē solvatur & o-  
 stendatur vitium materiale Syllogismi falsi, adeoq̃ doceatur re-  
 prehendi & caveri tale vitium. Secus carebit organo, quo fuca-  
 tos quosdam Syllog. resolvere possit, Quod erit ineptissimum pro  
 solido Logico. At talia organa hic proponuntur. Non enim uten-  
 di & usurpandi, sed agnoscendi, solvendi & vitandi gratiā hic do-  
 cetur Elench. non exercitiē, sed signatē & dijudicatīvē, Vt S. 4.  
 constabit. Non artificiosas imposturas cuiquam mortalium sug-  
 gerimus: Sed ostendimus, quomodo promptē & solerter in frau-  
 dulentas argumentationes animadvertere par sit. Vt loq. Ni-  
 husius d Log. II. t. 4. Nec hominem idē inter cetera cum Car-  
 dano factum dicimus, ut esset animal fallax, cum superi ob pro-  
 bitatem, belluæ ob stultitiā fallaces esse non potuerint. Quod &  
 creationi adversum est, quā omnia bona fecit DEus, Gen. I. v. 31.  
 Fallacia a. in malis est: Et pessimē finem ex malis & in illis assi-  
 gnat, cum non nisi bonus & in bonis ille, & malorum potiū extre-  
 mum sit. Finis hominis DEI fructio: via ad finem unica, virgō:  
 fallacitas virtus non est. V. Scalig. ex. 254. Et distinguen-  
 dum inter præcepta malē differendi, hæc à Logica aliena sunt: &  
 præcepta vitiosa argumenta solvendi, quæ hic necessaria sunt, q̃  
 ex generalibus Canonib. Logici vitium materia distinctē & suf-  
 ficienter dijudicari nequit. Logica a. est, instrumenta vitiosa  
 materia satis dijudicanda sufficienter suppeditare, Vt universam



*ratiocinationem completè expeditur. Non agit Logica per se de fallaciis, ut objecto attributionis & sine, quem intendat. Benè per se, tanquam de objecto per principia ratiocinandi cognita, modisq. solvendi per rationem suppediativam. Contrariorum n. eadem est scientia. At Syllogismus materialis verus in Log. proponitur. E. materialis falsus ibidem proponendus.*

4. 2. Syll. falsus in actu signato & formaliter, non in actu exercito & materialiter hic est tractandus, nisi sub materiâ generali. In actu signato: id est, debent generales modi & velut forma proponi, ad quas ferme Sophistarum argutia omnes velut ad exemplaria reduci possint: & definiri, quid falsum sit, quod simplex, qui sub larvâ veritatis a deceptore proponatur. Non in actu exercito, id est, hic non specialiter omnis materia Syll. vitiosus, s. in Theologiâ, s. jurisprudentiâ, s. Philosophiâ, &c. est adducenda, ex quâ vitiosus Syllogismus specialiter extrahi possit. Nâ sit omnes materiae speciales in Logi. inferenda, quod non. V. d. 13. r. 4. Et materiae speciales sunt infinitae. At generalis materia ad certos modos revocari potest, ex quibus ostendi potest, Syll. Sophistici consequentiam materiale esse vitiosam. Conf. dn. Weg. in lib. Soph. q. 5. m. 2. & q. 5. in l. post. n. 4.

5. 3. Doctrina hæc non tantum ad benè esse & abundantiam, sed simpliciter ad esse & necessitatem Logices spectat. Nam 1. Continet directionem mentis, ne falsas rationes excogitet & assumat pro veris: & rectificationem operationis intellectus in resolvendo Syll. fallace, & sic ad veritatis acquisitionem conducit. At quod tale, per se ad Logicam pertinet, & Logico esse simpliciter subjacet, ut quod omnia instrumenta acquirendæ veritatis, s. per constructionem, s. resolutionem, plenè pertractare debet. Est enim & Genesi & Analyti utilis Logica. Illa in veris, hac in verum mentientibus. Per se Logica armamentarium extruere debet, & locos adornare, quib. Sophistas veritatis pro



tis prostrernere possit. 2. Contraria ad eandem disciplinam necessario pertinent, non ob utilitatem solum. Sic Theologus de salute & peccato, Ictus de servitute & libertate, Physicus de motu & quiete, Ethicus de virtute & vitio, Medicus de sanitate & morbo, Politicus de pace & bello necessario & ex professo tractant, si perfecte tractare velint suas disciplinas. Ita & Logica de Syll: vero & fallace. Dissentit Scheiblerus d. Syll. c. 14. n. 7. Goclenius l. 2. part. Dial. p. 208. Becmannus c. l. Quod ex regulis consequentia Syll. cognitis facile noscatur, tanquam inconsequentia quaedam. Et rectum sit sui & obliqui index. Et in Grammaticis non ponatur anomalia regula, *Ve tua pater curris*; Sed tantum analogia. Sed hac rem non conficiunt. Nam Regulae consequentiarum inconseq. Syllo. facile notificant, sed formalem, quam ista regula proponunt, ut exemplum Schei. de 1. fig. ostendit, non materiale, de qua Sophistica tradit. Adeam ordinate agnoscenda peculiari hac doctrina opus est. Major & variabilior declinatio circa materiam Syllogismi esse potest, quam formam, ut ex hujus regulis materia vitiositas non sufficienter solvatur. Sic ignoratio Elenchi & fallacia plurium interrog. ex consequentia nec formali nec materiali Topica sufficienter animadvertetur aut dissolvitur. Et ut maxime a sciente qualitercunq. inde agnosceretur & educeretur: a tyrone tamen non fieret, cui ratiocinandi instrumenta complete & distincte Logica offerre debet. Sic Elenchi. pl. interrog. ex illo, non sint plures termini in Syllog. quam tres, qualitercunq. a sciente Logico solvi potest: Ad distinctam tamen agnitionem & solutionem id non sufficit. Sic ignoratio elenchi ex hoc, Termini non mutantur, augentur, &c. Sed satis clare a tyrone inde hoc non apparebit, nec distincte in habitu ratiocinandi aut complete per id hoc proponetur. Ad caetera responsio c. 6. patebit.

6. Rameorum argumentis facile respondetur. I. Nulla dis-



ciptina agit de falso, ut falsum est, sed ut speciem veri mentitur:  
 Nulla compositivè & exercitativè tantum: benè resolutivè & e-  
 vitativè. Ipsi Ramista de axioma falso agunt inter axioma-  
 ta. 2. Rectum est index sui & obliqui, ut obliquum in genere est,  
 non ut specie recti fucatum, aut tale vel tale obliquum in specie est.  
 Sic ex lineâ rectâ facile agnoscitur curva, ut curva generaliter est,  
 non ut rotunda, serpentina, angulata, specialiter. Sic cognitio  
 vero cognoscitur falsum, ut non verum; non autem, ut refutan-  
 dum, expugnandum, resolvendum. Cognitâ pace cognoscitur bel-  
 lum, ut paci contrarium. Sed non statim, quomodo gerendū, ho-  
 stis propellendus, agri defendendi, comaeus & pecunia provi-  
 denda, munitiones extruenda aut occupanda, &c. quae etiam in  
 plena Politicâ distinctè sunt precipienda. Sic plena & distincta  
 tractatio non saltem veri cognitionem, sed & falsi distinctam re-  
 futationem & resolutionem suppeditare debet. Ut ita contraria  
 juxta se posita clarissimè elucescant. 3. Grammatica non pro-  
 ponit exempla falsa: Sic nec Logica falsa proponit: sed modos  
 quosdam docet, quibus fucatum à vero distingui, falsum à vero e-  
 stendi & resolvi possit. In Logicis praeceptorum verorum ad e-  
 licendum falsum abusus esse potest: In Grammaticis non, cujus  
 praecepta sermoni formando tantum inserviunt, non veracruen-  
do. Sic diversitas est similium. Et Grammatica anomalias quas-  
 dam tractat, si species syntaxin figuratam, quâ ab analogiâ deviat.  
 Et haec tamen in perfectâ Grammaticâ omittenda non sunt. 4. Fal-  
 sa materialiter sumpta sunt infinita: formaliter ad certas formas  
 & modos, velut ideas, redigi possunt. Et sic in Logicis. V. r. 4.  
 5. Scheck. ex topicis fallacias cognoscit ait, sed imperfectè, notitiâ cō-  
 fusâ: non perfectè, distinctè & explicatè. Ad quod peculiari do-  
 ctinâ opus est. Con. Cl. 1. M. 1. 1. disc. c. 2. q. 7. C. 5. qu. ill.  
 d. 8. q. 1. 2. Alsted. 1. 9. Lo. harm. c. 1. Timpl. 1. 4. Lo. c. 7.  
 q. 1. Fabrum q. 1. proem. in 1. 1. Elench.



7. Quā secundum: Ratione doctrina rectè ultimo in Log. loco proponitur Syll. Elencticus: Nam & ignobilior est Syll. vero: & absq. verosolvia agnoscì non potest, & vero ut defectus quidam & vitiositas accedit. At accidens posterius subjecto. Co. d. 14. t. 10. Nec potest cognosci obliquum, nisi cognitione recti, cujus est deviatio: Ratione usus toti Logica præponi posse putant quidam, ut memini Faber in l. 1. Elench: q. proëm. & ante analyticū ponendū putat Danhauv. id: disp. l. 1. §. 33. id: int. l. 1. §. 40. & præf. epit. Dial. & proëm. epit. Dial. c. 8. facto ita procedit. *Ut ita removeantur ea, quæ scopo Logico, veritati, obstaculum ponere posse videntur.* Sed & hoc modo non incommode ultimo loco ponetur. *Vsus enim confirmandi verum prior est usu refusandi falsum.* Flacius in parte Syll. formalis eum tractat, quod maxima ejus pars ex consequentia formali pateat, in cam peccet, ex eā arguatur, & sine illa mutila sit, L. 6. Log. gen. c. 6. 7. seq. De hoc t. 5. dictum. Quā tertium: *Adæquatum librorum Elencticorum Arist. objectum est Syll. Sophisticus generalis s. Elencticus, comprehendens & apparenter demonstrativum, & Topicum.* Nam horum & constructio & destructio duobus illis libris Elencharum ab Arist. pertractatur: Constructio in primo, destructio in secundo libro. V. Conimb: & Moris: præf. l. Elench. Peirastici & Eristici Syll. sub eodem comprehenduntur, qui finis & intentionis gratiā saltem ita dicuntur, reverā Elenctici sunt. Quā quartum, Syll. Elencticum specialiter in Log. tractant Aristoteleorum & mistorum pleriq. *Ut Aristoteles ipse in Organo, Corn. & Jac. Martini in Log. Gutkies, Scharfius, Dusa, Kerkermannus, Alstedius, Scheiblerus, Timplerus, Regius, Flacius, Danhauverus, Conimbricenses, Toletus, Raconis, Faber, Fonseca, Hunnæus, Titelmannus. Arriaga Eist facto eum non tractet: tractandum tamen in Log. docet d. 2. Log. n. 38. 39. Burgersdicius, Crellius, Bertius, Molinaus, Cæsari-*



farius, Rhodolphus, Perionius, Melanchton, Loffius, Bilstenius, Zanakius, Sturmius, Dietericus, Casus, Bartholinus, Morifanus. *Et peculiarib. libris ac tractatib. eum deduxerunt Socinus in Elenchis soph: Ann. 1625. editis, Buscherus in praxi Sophistica, Goclenius in Sophistica. Egoꝝ* dec. 1. Misc. d. 7. & 8. *varijs exemplis eam rem tractavi. Vnde hic mihi brevioris esse licebit.*

8. *Fuit præcognitio. Cognitio est nominalis & realis Nominalis homonymica. De voce Syllogismi V. d. 10. t. 7. De voce Elenchtici nota, sumi* 1. *Philologicè Elenchum pro inauri & unione ovalem formam habente. Iuvenal. sat. 6. V. 459. Cũ virides gemmas collo circumdedit, & cum auribus extensis magnos commisit Elenchos: Interdum generaliter pro omni argumento s. vero s. falso. Sic dicimus Elenchum Philosophicum, Logicum, Sophisticum. Sic fides dicitur ἐλέγχος, Heb. II. v. 1.* 2. *Pro indice rei. Sic librorum indices Elenchos vocamus. 3. Pro redargutione s. reprehensione. Est enim ἐλέγξις eadem ac redarguere. 4. Pro omni Syll. falso in genere, s. peccet in materiâ, s. formâ, s. in necesario s. in contingenti formetur. 5. Specialiter pro Syll. falso in materiâ necessariâ vel probabili, qui communiter Sophisticus dicitur. Sic hic sumitur. 5. Specialissimè pro certâ vitiosi Syll. specie, qua vulgò ignoratio Elenchi dicitur. Hinc Elenchum Arist. 1. Ele: definit Syllog. cum contradictione Conclusionis. Ea cum non legitimè se habet, dicitur ignoratio Elenchi. Etymologica, ubi ab Elencho dicitur, qui hic apparens est redargutio, speciem argumentationis habens, non veritatem: & Synonymica, ubi Syll: vitiosus, fallax, apparens, falsus, captiosus, Sophisticus, (qui interdum specialiter dicitur pro isto falso, qui in probabili materiâ versatur, & contradistinguitur Pseudographo) Eristicus, contentiosus & litigiosus, qui ita ex fine dicitur, cum Sophista intendi victoriam ob ostentationem a. questum; pirasticus &*



eus & tentativus, cum profertur animo tentandi aliquem, fallacia, de qua voce Scaligerum ex. 254. vide: *Sophisma*. Quod interdum generaliter quavis perversionem notat, etiam, quæ extra argumentationem aut responsionem committitur in explicatione, applicatione, quomodo frequenter apud Theologos sumitur. Maleq. usum eum vocis Smalcus c. Ravensp. p. 3. rejicit & exagitat. Cum & usus authorum eum habeat, & in usu vocum nos faciles esse conveniat. Frequenter *Sophisma* quodlibet inventum fraudulentum appellatur. Cicero cavillationem dixit V. Senec. l. 19. ep. 112. Et *Sophistam* quemlibet impostorem, & variis verbis circumvenientem. Ut notat H. Steph. T. 3. th. Gr. Li. voce *sophista*. Vnde *Sophisticari* dicimus, qui quacumq. ratione detorquet sententiam. Et ipse Smalcus præf. præf. Socini Parei *Sophisma* vocat, quod ex Socino respondente perpetuò fecerit argumentantem. Sic *sophismata* Chymicis falsæ auri argentique suppositiones dicuntur, & *Sophista*, qui fucato auro argentiq. imponunt. V. Libavium l. 7. arcan. Chym. c. 3. Picum Mirandul. l. 3. d. av. c. 5. Interdum captio, captiosa Conclusio, Nonnullis  $\pi\alpha\pi\epsilon\gamma\epsilon\lambda\epsilon\gamma\chi\omicron\varsigma$ , dicitur, quasi extra *Elenchi* leges. V. Alsted. l. 9. Lo. har. c. 1.

9. Fuit *Nominalis Cognitio*. Realis est definitiva, diviſiva, & affectiva. Definitio sit: Syll. *Elencticus* est Syll. materialis, ex præmissis materialiter falsis & apparentibus erroneè ad decipiendum aliquem concludens.

10. Dicitur 1. *Syllogismus*, id est, argumentatio aliud ex alio concludens. V. d. 10. t. 11. Materialis, i. e. certæ & determinatæ materiae Logice applicatus. V. d. 13. t. 2. 3. Ex præmissis materialiter falsis & apparentib<sup>9</sup>. Apparentia est vel in formâ, quando violatur consequentia *Syllogismi* formalis, ut cum ex puris particularibus a. negatis concluditur, aut plus est in Conclusionem, quàm præmissæ permittunt: quæ hæc non pertinet, sed ad



doctrinam de Syll. formali spectat: V. r. 12. Vel in materiā, cum forma est legitima, sed materia est falsa: Sive ea necessaria s. probabilis sit, Adeoq. cum vel materia necessaria est apparens, vel probabilis: Vel in utraq. cum forma & materia est apparens. Dicuntur pramisse falsa & apparentes pluraliter, permissivè: Fieri potest, ut utraq. pramissa sit apparens: non semper necessariò id contingit. Cum & una pramissa falsa & apparens esse possit. Sic & Syllogismus falsus esse poterit. Vi: Quod ego sum, id tu non es. Ego sum homo. E. tu non es. Hic major tantum apparens. 4. Erroneè concludens: Conclusio semper debet esse falsa formaliter & ut Conclusio, quatenus ex incompetentibus pramissis educitur, è quibus verè educi nequit: etsi non semper sit falsa materialiter, & ut propositio. Sic enim materia ejus vera esse potest. Sic O. homo est corpus. Lapis est homo. E. est corpus. Conclusio per se & ut propositio, est vera materialiter: Sed non est vera formaliter, & ut Conclusio; id est, ut educitur ex istis pramissis. Nam falsò ex illis educitur: Minor enim ut falsa, per accidens veram suggerit Conclusionem, Et sic est iste Syll. Elencticus s. falsus. Ceterum nota: 1. Syll. Elencticus & erroneè procedit ipse, & ex errore proficisci potest, & errorem gignit. Erroneè procedit, ratione Conclusionis, q̄ semper erronea: Ex errore proficisci potest ratione ejusdem, qua ut effectus pramissarum ex erroneis pramissis gignitur: Errorem gignit ratione pramissarum falsarum & erronearum, qua sunt causa erronea Conclusionis. Et falsitas hic est in materia proposita: Et conclusio ipsa ex apparentibus pramissis falsa est & educitur. 2. Syll. Elencticus procedit ex ignorantia non pura negationis, sed prava dispositionis, & hac vel simplicis qua ex prava sensus apprehensione exurgit: vel complexa, qua ex falsi medii adhibitione. Hac ignorantia & causa Syll. Soph. esse potest, cum ex eà falsum medium assumitur, & ex hoc falsa illatio consequitur: & effe-



effectus, cum falsa illatio porro decipit vel auctorem ipsum, vel audientem aut lectorem. V. Cl. I. M. c. Kec. l. 3. f. 3: c. 1. 3. Syll. materialis est genus analogum & ferme equivocum ad verum & elenchticum: primo vero competens: secundo & indirecte Elenchtico. Syll. verus verè est Syllogismus: falsus in materia apparet talis esse, non est, etsi in formâ legitimus esse possit. Materia vera directum Logici Syll. est objectum & operationis: apparens indirectum & rejectionis. V. t. 3. Ad decipiendum procedit Syll. Elencht. quia primarius hic Sophistarum finis, decipere & ad inconveniens alios redigere. V. t. 16.

II. Fuit definitio: Sequitur divisio. Ramus ex partitione Logica omnem Logicam vitiositatem dividendam putat, & sicut illa, in inventionem & iudicium dividitur: Sic fallacia in vitium inveniendi & iudicandi dividi debeat, in anim. Aristot. p. 220. Sed hic non vitium Logicum universum, sed partis tertie materialis tantum ostendere volumus, & Syllogismum materiale vitiosum tantum tradimus & dividimus. Ille non divisioni Logica, quamquam & hac Ramistarum vitiosa est, d. I. t. 22. Sed Syllogismo materiali vero oppositus est, qui vel necessarius vel probabilis erat. Ex huius divisione & Elenchticus dividendus. Ita Syll. Elenchticus vel Pseudographus vel Sophisticus erit. Pseudographus est Syll. elencht. ex materiâ necessariâ apparente procedens. Dicitur etiam Syll. Apateticus, deceptivus, falsigraphus, Pseudographema, & paralogismus absolute, I. Top. c. 1. Adeog. est oppositus Syll. Apodictico. Et committitur cum, cum ex falsis hypothesebus apparenter necessariis proceditur. Quae hypotheses ab ipsis disciplinis sunt petendae, & ex istis solvenda, è quibus contrariae hypotheses sumuntur. Sic si quis ex falsâ inflata hypothese, sonanum esse passionem cordis, concluderet, cor in somno ab operationibus vitalibus cessare, quod est contra experientiam. Ostendendum esset ex disciplinâ propriâ, Physicâ, hypothese in il-



lām falsam esse, & Anatomia contrariam. Sic si ita arguas: Quia  
linea ab eodem ad idem punctum ducta sunt aequales. Linea recta  
& curva ducuntur ab eodē ad idē. Ergo sunt aequales. Hic materialiter  
erit ostendendum ex Mathematicis, maiore de lineis rectis esse ve-  
ram. Exempli plura decade I. Misc. d. 8. t. 3. seq. vide. So-  
phisticus est Syllogismus Elencticus ex materiā probabili  
apparente procedens. Hic est Syll. Topico oppositus, & de hoc  
cum primis hic tradi solet. Divisio hac est sufficiens, nec tertium  
membrum admittit. Nam Syll. ex probabilibus, creditis ut  
necessariis, procedens, recte refertur ad Pseudographum: ex ne-  
cessariis creditis ut probabilibus ad Dialecticum: tentativus  
vel Pseudographus, vel Sophisticus, vel etiam verus esse potest. V.  
Conimbr. c. 1. Exempli satis multa & huius c. 1. d. t. 10. II.  
seq. sunt adducta, ubi vide.

12. Syll. Sophistici subdivisio varia est. Quidam divi-  
dunt in Sophist. formā, cum consequentia formalis est mala, &  
materiā, cum materia est prava. Keck. c. 1. c. 1. Zanack. c.  
Cl. I. M. f. 3. c. 3. p. 1. l. 3. Schei. c. 17. d. Syll. n. 10. D. Weg.  
c. 1. q. 3. Timpl. l. 4. Lo. c. 7. q. 5. Alsted. l. 9. Eo. ha. c. 12.  
Libau. p. 593. Log. Phi. Ram. Bersman. l. 4. Erotem. Log.  
p. 637. Hunnaus l. 5. Log. p. 282. & alij. Alij Syll. vitiosos  
in formā potius autem *Μορφικας* & scopas dissolutas vocant, nec dicē-  
dos Syllogismos, nec peculiari doctrinā tradendos, cum eorum so-  
lutio ex generali Syll. doctrinā facile pateat. Cl. I. M. c. Keck.  
c. 1. Flacius l. 6. Log. gen. c. 7. Gutk. c. 1. p. 622. Conimbr. c.  
1. Faber in 1. Elench. c. 2. q. 3. Et verē hoc Syll. Sophisticus si ge-  
neraliter pro omni vitioso sumatur, qualecūq; id sit vitium, s.  
Syllogisticum s. a syllogiston: ita Sophismata in formā addi possunt.  
Sic Arist. ea addit in definitione Elenchi Sophistici. V. 1. Top. c. 1.  
Et sic potest hic vitiositas ratione forma obiter considerari: Quod  
regerit Zanak, c. 1. uberioris doctrina gratia, non illius hic reci-  
pien-



*pendi causā: Vt loquuntur Conimbric. l. Et sic th. 10. Apparentia aliqua in formā dicta est: Si specialiter pro vitioso materiali, quomodo hic in materialibus Syllogismis vel veris vel apparentibus versamur, V. c. 2. Ita sola Sophismata in materiā hic sunt tractanda: Et quia dicuntur in formā esse, tanquam non Syllogismi, reijcienda potiūs ad regulas consequentia syllogistica, quā hic peculiariter tractanda. Nam quod formam & consequentiam syllogismi non habet, id nec syllogismus dici meretur. Et sic Arist. c. 1. expressē reijcit tales argumentationes, & potiūs non ratiocinationes dicendas ait: Et solent earum exempla in regulis consequentia syllogistica sæ multa proponi. Conf. Cor. Mart. l. 1. Anal. Log. c. 5. 6. Alij fallacias in noëticas, & has vel terminorum, vel axiomatum, & dianöeticas, & has vel Syllogisticas vel methodicas, dividunt. Alsted. c. 1. c. 2 & 12. Et magna ex parte Goclen. l. 2. part. Dial: Dietericus & Vrsinus, V. c. 3. Sed ha temerarie Entium citra necessitatem sunt multiplicationes. Fallacias hactenus argumentationem esse credidimus, non terminorum, a. axiomatum. Alienè thema insulsum dicitur fallacia thematis, quomodo & Dusa argumenti vocat l. 2. Log. c. 1. cum potiūs thema impertinens dicendum: Fallaciæ thematis verbalis sunt fallacia dictionum, quia in Syll. Sophistico generaliter traduntur, nec contra legem methodi, ut ipse vult: Fallaciæ subiectorum, adjunctorum, Antecedentium, consequentium, connexorum, effectorum, diversorum, oppositorum, &c. temerè multiplicantur, cum omnes ad fall. causā, consequentis, accidentis, aut similem referri possint. Vt exemplis Alstedii doceri potest.*

13. *Ergò commodissimè Syll. Sophisticus vel nominalis s. dictionis, vel realis s. rei dicitur. Nominalis qui ex vitio nominis vel dictionis concludit. Estq. sexuplex: vel homonymiæ, cum vitium ex vocib. significatione ambiguit: vel amphiboliæ ( Quidam amphibologia vocant, Titelman. l. 6. Lo.*



c. 3. Faber c. 1. c. 3. *Vtiturq; hac voce* Martinus in præfat. Lexici Etym. *Sed rectè annotat* Keckerman. *hanc vocè nec Latinis nec Græcis aliqd significare.* Comm. ad l. 3. l. 3. c. 4. Conf. & Voss. l. 4. Inst. Orat. c. 1. *cū ex phrasi & constructionis ambigua e.* In quo verè ejus formale & ab homonymia discriminè consistere dec. I. d. 8. r. II. docui: Vel compositionis, cum voces dividenda componuntur: Vel divisionis, cum voces componenda dividuntur: Vel accentus, cum vocis enunciatio, vel quantitas, vel gestus, aut simile quid mutatur: Vel figuræ dictionis, cum diversis loquendi & intelligendi modi confunduntur. *Exempla* dec. I. c. 1. *prostant.*

14. Syll. Sophisticus realis vel rei est, qui ex vitio ipsius rei in materiâ proposita concludit. Estq; sexuplex: Accidentis, cum ea, quæ per se sunt, cū ijs, quæ per accidens, confunduntur. *Vi:* Animal est generis neutri: E. & homo. *Vel:* Animal non est generis masculini. E. nec homo. *Modos ejus diversos* vid. ap. Schei. c. 1. n. 40. Keckerm. c. 1. c. 3. eandem cum fall. à dicto secundum quid dicit. *Falso.* Nam in istâ verè alicui assignatum prædicatum inest, sed secundum quid: hic non est, sed inesse falso per accidens dicitur. V. Cl. I. M. c. Keck. c. 1. 3. *Nec sufficienter contrà pugnat* Zanack. c. 1. c. 3. *Secundum quid aliquid esse inhasivè vel effectivè distinguens.* Sic Evangelium odor mortis dicatur secundum quid, effectivè, non inhasivè, idq; per accidens. Nam si per accidens tantum id Evangelio tribuitur, non reverà secundum quid ei competit, nec effectivè, nec inhasivè. Sic sol excacat per accidens & ex eventu, non verè hoc ei competit sec. quid. *Id secundum quid determinat veritatem in aliquo:* Id per accidens casualia & non verè rei competètia importat. Itaq; non simul in uno stare possunt. Per accidens est additio alienans & diminuens: Secundum quid attribuens & determinans. *Multa etiam exempla Elenchi accidentis sunt, in quib. limitationem secundum quid nullâ ratione adhibere licebit, ut exempla* Scheibleri c.



Ieri c. l. docent. A dicto quadantenus ad dictum simpliciter, cum restrictè positum pro absoluto assumitur. Ut fides per caritatem operatur. E: caritas ipsi est pro forma. Ignoratio Elenchi, cum abluditur à scopo oppositionis. Sic, si probare iussus, animam hominis esse mortalem, probes, animam bruti esse mortalem, aut animam bovis interire posse cum bove. Petitio principij, cum pro probatione adfertur id, quod aequè dubium est. Ut: Infantes non habere possunt fidem. E. non baptisandi. Aequè antecedens est dubium, ac consequens. Fallacia consequentis, cum putatur sequi, quod non sequitur. Ut: si ante pluit, terra est madefacta. E. si terra est madefacta, ante pluit.

15. Fall. non Causæ ut Causæ, cum adfertur pro causâ, quæ non est. Ut: per Philosophiam possumus homines decipere & deperari. E. non est permittenda in Repub. Solet etiam dici fallacia causæ. Exagitat eam appellationem & definitionem Smalcus c. Grauver. d. pers. Christ. p. 19. ut non Aristotelicam: Quod nec ita dicatur Aristoteli, nec is ex uno termino fall: causa definiat, sed integrâ propositione, quæ non sit causa illationis. Sed usus hodiernus utrumque probat: nec necesse est, in his & similibus præcisè ad Aristotelem nos astringi. Ita Elenchum secundum accidens accidentis, & secundum plures interrogationes plurius interrogationum dicimus. Cur non secundum Causam Causa? Et hodiè Elenchum Causa dicimus, cum in genere falsa causa substituitur pro verâ: Sive ea sit in integrâ propositione, sive in aliquo Terminò. V. Cl. I. M. l. 7. inst. c. 5. & l. i. misc. d. 13. t. 33. Scheibl. c. l. n. 61. Reg. p. 913. Log. Nihus. d. Log. II. t. 28. Gut. p. 655. Syn. & d. 29. Lo. diu. Kefl. Log. Phr. f. 4. pri. II. Alsted. l. 9. Log. ha. c. 3. Casum de fallac. c. 16. Scharf. l. 6. Lo. c. 3. Et si alii, ut Hunnæus, Titelmann. Flacius, Keckermann. Morifan. Conimbr. Bertius, Fonsæca, ad propositiones eum restringant. Quod nimis frigide sumit Casus c. l. Et  
conce-



concedit Socinus in Elench. Soph. p. 24. 25. brevitatũ gratiã nos amphibolian, equivocationẽ, vocare, pro quo dici deberet, fallacia ex amphiboliã orta. Cur non & sic elenchum causa, pro eo, quod ex falsã causã adductã oritur? Keckermann. c. l. c. 3. eam ex fallaciũ omittit, quod semper sit vitium in formã. Sed sic nec fallacia consequentia distincta esset, quam tamen tractat Keck. Et licet vitium semper formã hic esset, ut & Fonseca l. 8. Dial. c. 15. urget: potest tamen esse simul vitium materia, quod distincte hic est advertendum. Nam vitium formã mirifice interdum occultari potest. Vt benè Cl. I. M. c. Kec. l. c. 3. Sed & falsum, semper formã vitium hic esse. V. p. 32. 6. Fall. plurium interrogationum est, cum multe interrogationes in unam confunduntur? Vt Traditiones vel sunt retinenda vel abolenda? Amisistine 1000. Imperiales? Desistine furari? Plura circa hac ex dec. l. c. l. petantur.

16. Fuerunt Divisiones Syll. Elenchici: sequuntur affectiões. Ee sunt 1. Utilitas. Syll. Elenchicus utilis est ad acuumdum ingenium, clariũ agnoscendum verum, dirigendam & rectificandam mentem in rationalibus operationibus. V. t. 5. 2. Ordo, Qui is, ut Syll. veropostponatur in tractatione. V. t. 7. 3. Finis, Syll. falsus finem habet equivocum ex parte Sophista: verum ex parte Resolutionis. Aequivocum: Nam malorum non propriè est finis, sed ἐξ ὁρίων s. extremum: Vnde Scaliger reprehendit Ciceronem, quod libros de finibus bonorum & malorum inscripserit, cum finis tantũ sit boni & in bono, ex 250. f. 1. Et bonum & finis inter se converti dicuntur. V. Alsted. l. 5. Ency. p. l. c. 8. Scheib. c. 6. Top. n. 25. Verum: Nam nosse futurũ à vero secernere, perfectionem animo scientis infundit, quã verus finis esse potest. Sophistarum fines in specie deducit Arist. l. 1. Elench. c. 3. & ex eo Cl. I. M. l. 7. inst. c. 3. Faber in l. 1. Elench. c. 3. Et dicuntur Elenchus, qui est vera thesios apparens contraditio & refutatio: falsum: Quod est Ejus, quo cum di-



*seras, ad statuendum manifestè falsum adaectio. Paradoxum, Quod est collocutoris ad improbabile statutum probandum deductio. Soloecum, quod est collocutoris ad insulsum loquendi modum abductio: Et nugamentum, quod est disputatoris ad nugatorias repetitiones a. vanas battologias reductio. Et speciales hi Sophistarum fines ad duos generales referri possunt, q. sunt deceptio, & hinc gloriola ex apparèti sapientiâ affectatio, vel incelli reportandi desideratio, &c. Conf. amplius Conimb. q. I. d. fal. a. I. Moris. l. I. Fl. c. 2. aliosq;. Ramus univèrsè ista negat, quòd unus summus solusq; Sophisticus finis. Pseudos sit. l. 19. Sch. Log. c. I. Sed unus summus finis esse potest: Cæteri subordinati. Falsum monstrare Sophista vult: Sed hoc perficere non potest, nisi proposita reprehendat, & vel paradoxa eliciat, vel soloeca aut nugamenta proferre adigat. 4. Solutio ejus, quæ variè expediri potest, q. apud Logicos vide. Tria hic queri solent. I. An ad Conclusionem interdum respondere liceat, dimissis præmissis? Affirmant Keckerm. c. I. c. 2. & 4. Zanakius c. I. c. 4. q. I. Timpl. l. 5. Log. c. 7. q. 16. alijsq;. Quòd interdum illatio conclusionis ex præmissis formalis non sit, plus in eâ sit, quàm à præmissis permittatur, à Scopo quæstionis abludat, plures quæstiones commisceat, principium inveniendi medijs termini sit, ac materiam aliquam Sylogisticam contineat, concessione interdum tota permittiqueat, &c. Negant D. J. Martin. c. Keck: c. I. c. 4. Vrsinus l. 2. Dial. c. 9. q. 8. Finckius Syllog. c. 2. q. 4. alijsq;. Et rectius. Conclusio n. effectum præmissarum est. Si vitium ergò habet, à præmissis habet, unde in illis ostendendum. Cum planè non infertur per formam ex præmissis, ne Conclusio quidem est, & magis totus syllogismus ut à Sophistis reijcitur, quàm ad solam Conclusionem respondetur. Nec hic forma vitium, sed materia præcisè attenditur. V. t. 12. Sic & cum Ignoratio Elenchi, Etero Zetesis, plus a quo illatio, in eâ est, aut concessio circa eam est, magis totus Syll.*



quàm sola Conclusio rejicitur. 2. An quodlibet Sophisma solvendum sit, an quoddam nudâ rejectione repelli possit? Si apertissimè falsum sit, rejici possit: Si veri speciem habeat, solvendum erit. 3. An argumenta Philosophica in Theologia, Jure & Medicinâ solvenda, an rejicienda sint? Ab erudito disputatore solvenda sunt, & ob seipsum, ne ignorans videatur, & ob Adversarium, ut confundatur & repellatur, sicq; obstruatur, Tit. I. v. 11. & auditorium, ut erudiatur, & facultates ipsas, ut harmonia earum in seilibus ostendatur, veritas earum explicetur, non contrarietas concedatur aut inducatur: non relinquenda. Simplicium diversa est ratio. V. dec. I. d. 10. r. 25. seq. De Sophistarum ingenijs habendum istud Scaligeri c. 1. Sunt & larvata ingenia quædam, sibi ignava, alijs maligna: quæ jussu DEI venena serpentibus comparata profiteantur, ut ea sint calcariâ nobis, ad fortitudinem, patientiam, temperantiam.

#### ADDITAMENTA.


1. Pejus est mori in peccato, quàm propter peccatum.
2. Potest aliquis diligere DEO, ut tamen ipsi non placeat.
3. Dari hominem, qui nec ater nec albus sit, absurdum non est.
4. Resurrectio Christi non est ab Evangelistis descripta, sed ea, quæ post eam contigerunt.
5. In fallaciâ Causæ semper vitium formæ occurrere qui. V. p. 324. Falsum hoc esse sequentia docent. Vbi venti sæviunt, dives mortuus est. Hodiernus dies est, Vbi venti sæviunt, E. hodiè dives mortuus est. Qui insomnes noctes ducit, avarus est. Catilina insomnes noctes ducit. Ergo. Om. sublime est obscurum. Scriptura est sublimis, E. obscura. Major in his vitium causæ habet, quòd falsa causa substituat pro verâ. Vitium formæ in illis ostendi non potest,






















H. NICOLAI

OPERA.

TOMUS II.